



UNIVERSITÄTS-
BIBLIOTHEK
PADERBORN

Universitätsbibliothek Paderborn

Exercitivm Perfectionis, Et Virtvtvm Christianarvm

In tres Partes distinctum

Rodríguez, Alonso

Coloniæ Agrippinæ, 1622

Cap. II. Religioso etiam caendum, ne à consanguineis visitetur, quantum fieri poterit, & de communicatione per literas.

urn:nbn:de:hbz:466:1-40093

ret, ut id fieret, & sciret elapsa hac occasione nunquam post similem se oblataram. Idem & fecit P. Magister Faber, dum quinque à sua patria milliaribus abesset. Dumque P. noster Ignatius necessitate coactus Zogolam venisset: nunquam ad fratres domum, sed in Xenodochium diuertere voluit.

C A P V T II.

Religioso etiam cauendum, ne à consanguineis visitetur, quantum fieri poterit, & de communicatione per literas.

Visitationes consanguineorum cauenda.

BO NO Religioso, qui sincere Deo seruire & profectui suo studere, & fine, propter quem ad religionem venit, potiri desiderat, huiusmodi consanguineorum visitationes, & in patriam profectiones vitandæ sunt: licet iusto titulo & colore fiant: sed ei enitendum, quantum poterit, vt commercium & conuersationem consanguineorum fugiat. Nec ei sufficere debet, si eos visum non eat, sed & laborandum, ne ab iis visitatur. Ait sanctus Ephrem, vt cognatos moneamus & suadeamus, ne nos visitant, nisi ad summum semel aut bis in anno.

Ephrem tom. 2. tract. de varia doctrina. n. c. 53.

Cap. 4. exam. 3. 2.

Sed si inutilem illorum conuersationem penitus precideris; melius ages. Et merito inutilem vocat, eodemque verbo B. Pater N. in constitutionibus virtutum, talis enim est. Et non solum nihil utilitatis, sed potius damni multum adferr, ut dicatum est. Utque nobis constaret, quam Deo arrideat haec siccitas, abstractio, & separatio à cognatis, nolle ab illis visitari; voluit idem Deus miraculo ostendere, & confirmare. In prato spirituali referuntur, de sancto monacho, cui Cyriaco nomen, quod quodam tempore patet & matereum visum veniebant; pulsabant cellæ ostium, sciens ipse qui esset, & ad quid venirent; ante ad Deum preces fu-

dit, vt liberaretur, neue ab illis videretur. Absoluta oratione ostium aperit, cella egreditur, à nemine tamen eorum conspicus est, nec animaduertsum, ecquis cella egredetur; ipse vero procul inde abiit in solitudinem, nec redire voluit, nisi ante sciret illos abiisse. Et de Abate Pachomio refert Surius, quod soote eum visum veniente exire noluerit, ut ilam videret, nec ab ea videretur, sed ius sit illi per ianitorem nunciari: Ecce audiuisti me vivere. Bene valeo, vnde in pace. Vtile huic fuit responsum vt & Theodori matri, nam & hæc in monialium monasterio vicino mansit, & religiosa effecta est.

Nec solummodo visitationes, sed & communicationes per literas vitare debet religiosus, quantum in se erit; quod & illa; inquietem, & distractionem adferant. Utque tu illos non visitans, multis te visitationibus expediis; sic & tu non scribens te multis eorum literis liberabis. Si tu notis homines relinquere, illi tua tibi negocia relinquent. Totum à te dependet, si enim velis, ad mania, quæcumque desiderabis media reperies. Iam patriam, domum, cognatos propter Deum reliquimus, conemurilla plane relinquere & illorum oblitus; quo sic liberi & expediti simus, ad magis Dei reminiscendum, amandam & diligentius seruendum. Narrat Cassianus de quodam sancto monacho, qui valde orationi & contemplationi addictus erat, studebat cordis puritatem & mundicitatem, vt talibus exercitiis necessarium esset. Iam quindecim annos in solitude viixerat, quibus exactis allatus ei ex patre sua Ponto literarum plurium manipulus à parentibus, cognatis & amicis. Recepto manipulo coepit apud se cogitare: si has literas legero, quorū cogitationum causæ erunt? quante vñdarum differentiæ in corde exsurgent? vanæ letitiae, si prospere cum parentibus agatur; vel inutilis tristitia, si male? quorū dies eorum memoria, qui scripserunt, meditinebit, & orationis, & contemplationis meæ,

meꝝ, quietem & tranquillitatem tollent? quot dies oculis meis obuersabuntur eorum facies & formæ, & verba, quæ senserunt? Quanto has species obliuiscat & illæ ex memoria delebuntur? Quanto labore præteritum tranquillitatis statum & mundanorum obliuionem, quæ nunc habeo recuperare fas erit? Quid proderit corpore parentes reliquie, si corde & memoria ad eosdem redeam? & cum illis conuerter & agam? Hæc dicens & apud se perpendens, manipulum literarum, ut allatus erat, iniagnem coniicit, inquiens: Ite cogitationes patriæ, pariter concremamini; ne me ultius ad illa, quæ fugi, reuocare tentetis. Non solum nullam epistolam legere voluit, sed nec manipulum dissoluere, nec nomina, nec signa videre eorum, qui scripserant, nec superscriptiones adspicere, ne characterem noscens, memoria eorum illi obrepetur, & tranquillitatem & cordis pacem turbaret. De beatissimo Patre nostro Ignatio simile exemplum legitur. Quod iis conductit, qui bus non satis semel literas legisse, sed servant, ut post sepius legant, iisque deletentur, cognatorum memoriam resificando. Si illas non combussisti nondum lectas, cur non comburis iam perlectas, & simul cum illis omnes sanguinis & carnis cogitationes, ne te amplius turbent?

CAPVT III.

Eiam prædicationis titulo Religio-
so fugiendum consanguineorum
commercium, & profectio-
nem in patriam.

QVIBVS DAM huiusmodi venit tentatio, quod ire velint in patriam & cum cognatis agere, ut ibi concionentur, & fructum spiritualem animarum

faciant. Tentationibus huiusmodi bono colore & fuso tectis & velatis irumpentibus, solet maius esse periculum, quod non tentationes, sed iustæ rationes habeantur. Sanctissimus Bernardus in verba hæc: *Capite nobis vulpeculas partulas, qua demoliantur vineas*; dicit hanc vnam vulpecularum esse, quæ intrans fraude & specie recti solet multos perdere & destruere. Et aliqui, quos dicit sibi notos fuisse, hac ratione se perdiderunt, & putabant alios lucrifacere se perdentes. Præsertim qui putabant fructum in parentibus & cognatis facere, nam communiter illi apti non sunt, quod non ita pridem cum eis luserint, ideoque eos non ea existimatione & obseruantia prosequuntur, quæ Euangeliū praconem deceat. Ideo & Christus Saceruator noster ait: *Amendigo vobis, quia nemmo Propheta acceptus est in patria sua.* Et Abraham Deus volens Abraham magnum præconium & patrem fiducium constitutæ, iusfit ut patriam exiret, & cognatos amicos & notos relinqueret, & iret in Mesopotamiam, vbi à nemine noſceretur.

Dumque sanctus Paulus Hierosolymis in templo in oratione esset (quod consideratione dignum) dixit illi Deus, vt inde discederet, & gentibus prædicaret, quod Hierosolymis fructum non esset facturus: *Non recipient testimonium tuum de me.* O Domine hic notus sum, educatus ad pedes Gamalielis, & sciunt me persecutum fuisse, credent in te, & dum alii sanctum Stephanum lapidabant, custodiebam ego vestes eorum. Vade, non capis, exi ciuitatem hanc, in qua notus es, volo te gentium prædicatorem facere: *Ego in nationes longe mittam te.* Vbi notus non eris, copiosum fructum facies. Et videris tibi fructum in patria facturus: & quid fructus inter consanguineos facere poteris? Quomodo illis poteris prædicare & persuadere ut mundum & delicias contemnant; dum videbunt te inter carnem & languinem in deliciis habitum?

Bern. serm.
64. sup. Can-
tata.
Canticz. 15.

P.Pc-